

Hoz es il Di dals amalats



FAURER

Il Di dals amalats


Id ha naivü sur not. Bod ün mez meter naiv haja dat! Carla s'allegra dad ir a scoula e da giovar cun si'amia Nora illa naiv. In scoula sezzan ellas insembel e Carla voul disegnar il plan da l'iglu ch'ella less fabricar. Alch es però curius: uschigliö spetta Nora adüna davant porta da la chasa da scoula per ir insembel cun Carla in stanza da scoula. Hoz nun es Nora quia. E cur chi sclingia, nun è'la amo adüna na quia. Ed eir cur cha tuots han lur etuis e quaderns sün maisa nun es Nora amo rivada. Forsa sa la magistra alch. «Ingio es Nora?», dumonda Carla. La magistra para dad esser trista. Ed es quai perfin üna larma in seis ögl? «Chars uffants», disch la magistra a la classa, «Nora es amalada. Sia mamma ha telefonà

ed ha dit ch'ella saja fingià daspö her saira a l'ospital.» «O, na ... povra Nora!», cloman ils uffants. «Ma ella vegn sgüra darcheu fitta», disch la magistra. «Eu n'ha ün'idea!» Carla saglia in pè: «Nus pudessan far alch per Nora, uschè ch'ella vegn amo plü svelt sana.» A tuots para quai üna bun'idea ed i cumainzan subit culla lavur. Ed els nu fan be alch per Nora, ma bain eir per oters uffants e creschüts chi sun amalats – id es nempe bainbod il Di mundial dals amalats.

Daspö il 1993 es ils 11 da favrer adüna il di per pensar als amalats e tils güdar. L'idea per ün tal di ha gnü l'anterior papa Gian Paul II, cur ch'el d'eira svesch üna jada fich amalà.

Hast fingià let l'istorgia da Luisa chi sto ir a l'ospital? L'istorgia chattast sün pagina 52 dal seguaint cudesch:

- Flurina Plouda, Yvonne Gienal
La famiglia Babulin, Nouvas aventüras
Lia Rumantscha, 2018
da retrar sur www.liarumantscha.ch



Hast tü üna jada stuvü ir a l'ospital?

Cugnuoschast ad inchün chi'd es güsta a l'ospital?

Che fan teis genituors, cur cha tü est amalada o amalà?




Fa dal bain

Ideas pel di dals amalats:

1

**Fa ün video e til trametta
a la persuna amalada.**

Fa ün disegn.




Scriva üna poesia.

Fa üna collascha.

Trametta üna tschiculatta.

Disegna o zambraja fluors da palperi o chartun. Quellas poust manar a l'amalada o a l'amalà.



2

**Fa ün pèr grassins*
(pastinas/pappas) e tils maina
o trametta a la persuna.**

* Ün recept per grassins cun smiley chattast
!l material dal «Di dal surrier».


**Trametta üna cartulina cha
tü creeschast cul
PostCard Creator.**



Trametta üna cartulina

3


- 1 Culurischa la cartulina e scriva ün bun giavüsch.
- 2 Taglia oura la cartulina e tilla foda per lung la lingia striblada.
- 3 Colla insembel la cartulina.
- 4 Trametta la cartulina.



Trametta üna cartulina

4


- 1 Disegna alch sülla cartulina e scriva ün bun giavüsch.
- 2 Taglia oura la cartulina e tilla foda per lung la lingia sriblada.
- 3 Colla insembel la cartulina.
- 4 Trametta la cartulina.



In famiglia

Ideas che far, scha teis bap o tia mamma han la grippa o sch'els douvran üna jada üna posa per restar frischs:

**Cuschina alch chi dà forza,
p.ex. üna schoppa o ün
dessertin.**



**Güda a far alch in chassa,
p.ex. far cul
tschütschappuolvrä.**

**Plaja la büschmainta lavada,
p.ex. ils chatschous (stinvs)
o ils süaintamans.**